



**ԱՐՑԱԽԻ ՀԱՆՐԱՊԵՏՈՒԹՅԱՆ  
ԿՐԹՈՒԹՅԱՆ, ԳԻՏՈՒԹՅԱՆ, ՄՇԱԿՈՒՅԹԻ  
ԵՎ ՍՊՈՐՏԻ ՆԱԽԱՐԱՐ**

**Հ Ր Ա Մ Ա Ն**

«23» սեպտեմբերի 2022թ.

N 582/ԼՐ

**ք. Ստեփանակերտ**

**2022 ԹՎԱԿԱՆԻ 3-ՐԴ ՔՆՆԱՇՐՋԱՆԻ՝ ԴՐՍԵԿՈՒԹՅԱՆ ՁԵՎՈՎ (ԷՔՍՏԵՌՆ)  
ԱՎԱՐՏԱԿԱՆ ՔՆՆՈՒԹՅՈՒՆՆԵՐԻ ԿԱԶՄԱԿԵՐՊՄԱՆ ԵՎ ԱՆՑԿԱՑՄԱՆ  
ԱՇԽԱՏԱԿԱՐԳԸ ԵՎ ԺԱՄԱՆԱԿԱՑՈՒՅՑԸ ՀԱՍՏԱՏԵԼՈՒ ՄԱՍԻՆ**

Հիմք ընդունելով Լեռնային Ղարաբաղի Հանրապետության կրթության և գիտության նախարարի՝ 23.10.2012 թվականի N181-Ն հրամանով հաստատված՝ «<Դրսեկության ձևով (էքստեռն) փոխադրական և ավարտական քննություններ կազմակերպելու կարգի>> 20-րդ կետի և 23-րդ կետի 2-րդ ենթակետի պահանջները՝

**ՀՐԱՄԱՅՈՒՄ ԵՄ՝**

1. Հաստատել «2022 թվականի 3-րդ քննաշրջանի՝ դրսեկության ձևով (էքստեռն) ավարտական քննությունների կազմակերպման և անցկացման աշխատակարգը և ժամանակացույցը»՝ համաձայն NN 1 և 2 հավելվածների:

2. 2022 թվականի բոլոր քննաշրջանների համար դրսեկության ձևով (էքստեռն) ավարտական քննություններ անցկացնելու իրավունքը վերապահել «Ստեփանակերտի Ա.Սախարովի անվան հ.8 միջնակարգ հոսքային դպրոց» պետական ոչ առևտրային կազմակերպությանը:

3. Քննություններն անցկացնել 2022 թվականի հոկտեմբերի 15-ից մինչև նոյեմբերի 15-ը ներառյալ:

4. Հրամանի կատարման հսկողությունը վերապահել ԱՀ կրթության, գիտության, մշակույթի և սպորտի նախարարին:



**Ա. Հակոբյան**



**Հավելված 1**

Արցախի Հանրապետության  
կրթության, գիտության, մշակույթի և  
սպորտի նախարարի  
2022 թ. 23/08 N 512/Ն հրամանի

**ԱՇԽԱՏԱԿԱՐԳ**

**2022 ԹՎԱԿԱՆԻ ԴՐՍԵԿՈՒԹՅԱՆ ՁԵՎՈՎ (ԷՔՍԵՌՆ) ԱՎԱՐՏԱԿԱՆ  
ՔՆՆՈՒԹՅՈՒՆՆԵՐԻ ԿԱԶՄԱԿԵՐՊՄԱՆ ԵՎ ԱՆՑԿԱՑՄԱՆ**

**(ՅՈՎՏԵՄԲԵՐ-ՆՈՅԵՄԲԵՐ ՔՆՆԱՇՐՋԱՆ)**

1. Հիմնական կրթության վկայական ստանալու համար դրսեկները 2022 թվականի 3-րդ՝ հոկտեմբեր-նոյեմբեր քննաշրջանի ընթացքում «Համաշխարհային պատմություն», «Հայաստանի աշխարհագրություն», «Աշխարհագրություն», «Ֆիզիկա», «Քիմիա», «Կենսաբանություն» առարկաների քննությունները հանձնում են գրավոր:

1) Քննական թեստերը կազմում է Արցախի Հանրապետության գնահատման և թեստավորման կենտրոնը (այսուհետ՝ ԳԹԿ)՝ առնվազն 4 թեստ յուրաքանչյուր առարկայից՝ գնահատման 20 բալային համակարգով:

2) «Հայոց եկեղեցու պատմություն», «Հասարակագիտություն», «Ինֆորմատիկա», «ՆԶՊ և անվտանգ կենսագործունեություն», «Ռուսաց լեզու», «Ռուս գրականություն» (ռուսերենով ուսուցում ստացած դրսեկների համար), «Օտար լեզու» («Անգլերեն», «Ֆրանսերեն», «Գերմաներեն», այլ լեզուներ սովորողի ընտրությամբ), «Գրականություն» առարկաների քննությունները հանձնում են բանավոր: «Ֆիզկուլտուրա» առարկայից հանձնում են ստուգարք (նորմատիվների հանձնում): Քննական հարցատոմսերը կազմում են էքստենսիվ քննություններ ընդունող դպրոցի (այսուհետ՝ Դպրոց) համապատասխան մեթոդական միավորումները՝ առնվազն 10 հարցատոմս յուրաքանչյուր առարկայից՝ գնահատման 10 բալային համակարգով:

2. Միջնակարգ կրթության ատեստատ ստանալու համար դրսեկները 2022 թվականի 3-րդ քննաշրջանի ընթացքում «Համաշխարհային պատմություն», «Ֆիզիկա», «Քիմիա», «Կենսաբանություն», «Աշխարհագրություն», «Օտար լեզու» (անգլերեն, ֆրանսերեն, գերմաներեն, այլ լեզուներ՝ սովորողի ընտրությամբ), «Ռուսաց լեզու» առարկաների քննությունները հանձնում են գրավոր:

1) Քննական թեստերը կազմում է Արցախի Հանրապետության գնահատման և թեստավորման կենտրոնը՝ առնվազն 4 թեստ յուրաքանչյուր առարկայից՝ գնահատման 20 բալային համակարգով:

2) «Հայոց եկեղեցու պատմություն», «Հասարակագիտություն», «Ինֆորմատիկա», «ՆԶՊ և անվտանգ կենսագործունեություն», «Ռուս գրականություն» (ռուսերենով ուսուցում ստացած դրսեկների համար) առարկաների քննությունները հանձնում են



բանավոր: «Ֆիզկուլտուրա» առարկայից հանձնում են ստուգարք (նորմատիվների հանձնում): Քննական հարցատոմսերը կազմում են Դպրոցի համապատասխան մեթոդական միավորումները՝ առնվազն 10 հարցատոմս յուրաքանչյուր առարկայից՝ գնահատման 10 բալային համակարգով:

3. Դրսեկության ձևով (ավարտական՝ ուսումնական պլաններով նախատեսված առարկաներից) քննությունները դրսեկները հանձնում են՝ համաձայն ժամանակացույցի:

4. Հարցատոմսերով կազմակերպվող բանավոր քննությունների անցկացման ժամանակ յուրաքանչյուր դրսեկ վիճակահանությամբ ստանում է առանձին առաջադրանք (հարցատոմս): Դրսեկը բանավոր քննություններին նախապատրաստվելիս կարող է կատարել գրավոր համառոտագրում:

Դրսեկության ձևով քննությունների արձանագրությունները և գրավոր աշխատանքները պահպանվում են Դպրոցում, ավարտական փաստաթղթերը ստանալուց հետո՝ մեկ տարի:

5. Հիմնական կրթության վկայականում և միջնակարգ կրթության ատեստատում ավարտական և պետական ավարտական քննական առարկաները գնահատվում են 20 բալային համակարգով, իսկ տարեկան գնահատականները նշանակվում են՝ 20 բալային համակարգից գնահատականները վերածելով 10 բալային համակարգի:

Բանավոր քննությունները գնահատվում են 10 բալային համակարգով և համարվում են տարեկան գնահատականներ:

6. Գնահատականները գրանցելիս գնահատման 20 բալային համակարգից 10 բալային համակարգին անցման համապատասխանությունը կատարվում է համաձայն հետևյալ սանդղակի.

8-9 միավոր-4	16-17 միավոր-8
10-11 միավոր-5	18-19 միավոր-9
12-13 միավոր-6	20 միավոր-10
14-15 միավոր-7	

7. Դրսեկության ձևով (էքստեռն) ավարտական քննությունները կազմակերպելու և անցկացնելու գործընթացը վերահսկվում է Արցախի Հանրապետության կրթության, գիտության, մշակույթի և սպորտի նախարարության կողմից:

8. Դրսեկության ձևով (էքստեռն) ավարտական քննությունները կազմակերպվում են «Դրսեկության ձևով (էքստեռն) փոխադրական և ավարտական քննություններ կազմակերպելու» կարգի և սույն աշխատակարգի պահանջների համաձայն:



**Հավելված 2**

Արցախի Հանրապետության  
կրթության, գիտության, սշակույթի և  
սպորտի նախարարի  
2022 թ. N հրամանի

**ԺԱՄԱՆԱԿԱՑՈՒՅՑ**

**2022 ԹՎԱԿԱՆԻ 3-ՐԴ ՔՆՆԱՇՐՋԱՆԻ ԴՐՍԵԿՈՒԹՅԱՆ ՁԵՎՈՎ (ԷՔՍԵՌՆ) ԱՎԱՐՏԱԿԱՆ ՔՆՆՈՒԹՅՈՒՆՆԵՐԻ ԿԱԶՄԱԿԵՐՊՄԱՆ ԵՎ ԱՆՑԿԱՑՄԱՆ**

**1. ՀԻՄՆԱԿԱՆ ԿՐԹՈՒԹՅԱՆ ՎԿԱՅԱԿԱՆ ՍՏԱՆԱԼՈՒ ՀԱՄԱՐ**

	Առարկա	քննության անցկացման եղանակը	քննությունների անցկացման օրերը
1.	Ֆիզկուլտուրա	ստուգարք նորմատիվների հանձնում	17.10.2022թ.
2.	Հայոց եկեղեցու պատմություն	բանավոր	18.10.2022թ.
3.	ՆՁՊ և անվտանգ կենսագործունեություն	բանավոր	20.10.2022թ.
4.	Հասարակագիտություն	բանավոր	21.10.2022թ.
5.	Ինֆորմատիկա	բանավոր	24.10.2022թ.
6.	Հայաստանի աշխարհագրություն	գրավոր	26.10.2022թ.
7.	Կենսաբանություն	գրավոր	28.10.2022թ.
8.	Համաշխարհային պատմություն	գրավոր	31.10.2022թ.
9.	Ֆիզիկա	գրավոր	01.11.2022թ.
10.	Քիմիա	գրավոր	03.11.2022թ.
11.	Օտար լեզու (անգլերեն, ֆրանսերեն, գերմաներեն, այլ լեզուներ՝ սովորողի ընտրությամբ)	բանավոր	04.11.2022թ.
12.	Աշխարհագրություն	գրավոր	07.11.2022թ.
13.	Ռուսաց լեզու	բանավոր	09.11.2022թ.
14.	Գրականություն	բանավոր	11.11.2022թ.
15.	Ռուս գրականություն (ռուսերենով ուսուցում ստացած դրսեկների համար)	բանավոր	04.03.2022թ.

Քննությունների սկիզբը՝ ժամը 14:00-ին

**1. ՄԻՋՆԱԿԱՐԳ ԿՐԹՈՒԹՅԱՆ ԱՏԵՍԱՏ ՍՏԱՆԱԼՈՒ ՀԱՄԱՐ**

	Առարկա	քննության անցկացման եղանակը	քննությունների անցկացման օրերը
1.	Ֆիզկուլտուրա	ստուգարք նորմատիվների հանձնում	17.10.2022թ.
2.	Հայոց եկեղեցու պատմություն	բանավոր	18.10.2022թ.
3.	ՆՁՊ և անվտանգ կենսագործունեություն	բանավոր	20.10.2022թ.
4.	Հասարակագիտություն	բանավոր	24.10.2022թ.
5.	Ինֆորմատիկա	բանավոր	26.10.2022թ.
6.	Համաշխարհային պատմություն	գրավոր	28.10.2022թ.
7.	Ֆիզիկա	գրավոր	31.10.2022թ.
8.	Քիմիա	գրավոր	02.11.2022թ.
9.	Օտար լեզու (անգլերեն, ֆրանսերեն, գերմաներեն այլ լեզուներ՝ սովորողի ընտրությամբ)	գրավոր	04.11.2022թ.
10.	Կենսաբանություն	գրավոր	07.11.2022թ.
11.	Աշխարհագրություն	գրավոր	09.11.2022թ.
12.	Ռուսաց լեզու	գրավոր	11.11.2022թ.
13.	Ռուս գրականություն (ռուսերենով ուսուցում ստացած դրսեկների համար)	բանավոր	14.11.2022թ.

*Քննությունների սկիզբը ժամը 12:00-ին*